



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-1-40-351-5/26**

Datum: **12.08.2026. godine**

„Agencija za vodno područje rijeke Save“ Sarajevo (u daljem tekstu Agencija), rješavajući po zahtjevu Agencije podnesenom putem „Sektora za upravljanje vodama“, za izdavanje prethodne vodne saglasnosti za vađenje materijala iz korita rijeke Bosne na lokalitetu „Mlinište“, koji se nalazi na prostoru Federacije BiH, općina Odžak, na osnovu člana 139. stav (1) tačka 6. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22) **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, Agenciji, koja je zahtjev podnijela putem „Sektora za upravljanje vodama“, daje se prethodna vodna saglasnost u svrhu provođenja daljih aktivnosti na dodjeli prava na vađenje materijala iz korita rijeke Bosne i izradi Elaborata za vađenje materijala iz korita rijeke Bosne, lokalitet „Mlinište“ na tri sprudišta:
 - Sprudište 1: dio k.č. 856/2, 849/1, 849/2, 851 i 853 K.O. Crkvina, općina Odžak (po novom katastru), što odgovara dijelu k.č. 597 i 600/22 K.O. SP_Novo Selo (stari katastarski premjer), općina Odžak;
 - Sprudište 2: k.č. 853, 851, 846, 844, 843, 842, 886/1, 886/2, 889, 893, 894 i 890/1 K.O. Crkvina, općina Odžak (po novom katastru), što odgovara dijelovima k.č. 600/22, 600/26, 600/21, 600/7, 600/19, 600/24 i 600/10 K.O. SP_Novo Selo (stari katastarski premjer), općina Odžak;
 - Sprudište 3: dio k.č. 3492 K.O. Novo Selo, općina Odžak (po novom katastarskom premjeru).
2. Prethodna vodna saglasnost prestaje da važi ukoliko u roku od tri godine, od dana pravosnažnosti ovog rješenja, ne bude podnesen zahtjev za izdavanje vodne saglasnosti od strane pravnog lica kome bude dodijeljeno pravo na vađenje materijala.
3. Prethodna vodna saglasnost se daje na osnovu pregleda dokumentacije dostavljene uz zahtjev i uz zadovoljenje sljedećih uslova:
 - 3.1. Za namjeravano vađenje materijala iz korita rijeke Bosne, na lokalitetu „Mlinište“ potrebno je pripremiti dokumentaciju – Elaborat vađenja materijala koji će sadržavati:
 - geodetska snimanja (ne starije od tri mjeseca) situacije i poprečnih profila riječnog korita (na rastojanju do 50,00 m) i uzdužne profile 1:100 ili detaljnije, koja se izvode preko operativnog poligonog vlaka sa osiguranjem krajnjih tačaka poprečnih profila na terenu trajnim biljegama uz položajni opis i nacrt (trigonometrijski obrazac 27), preko kojih će se po završetku radova izvršiti kontrolna geodetska snimanja,
 - izrada situacije lokaliteta na kome se planira vađenje materijala, uzdužnog i poprečnih profila riječnog korita u odgovarajućoj razmjeri,
 - geometrijske karakteristike korita (širina, dubina, osovina i sl.), njegov položaj i veličinu treba usaglasiti sa rješenjima datim u „Idejnom projektu uređenja toka Bosne od ušća do Modriče, km 0+000 – km 25+150“, „Zavod za vodoprivredu Bijeljina“, juli 2010. godine,
 - tehničko rješenje načina izvođenja radova i utvrđivanje njihovog obima koje će obavezno uzeti u obzir da se tim radovima bitno ne remete prirodni procesi, ne remeti prirodna ravnoteža ekosistema ili ne pospiješi štetno djelovanje voda,
 - dinamika vađenja materijala,
 - bilans masa materijala,
 - definirati lokaciju i površinu deponije u zavisnosti od utvrđene količine materijala vodeći računa da se ista ne može nalaziti u inundacionom pojasu,

- na osnovu podataka iz katastarskog plana, na preglednoj situaciji obilježiti međuentitetsku liniju i granice parcela koje su u državnom, odnosno privatnom vlasništvu, a nalaze se u zoni planiranih radova i gradilišta, trasu pristupnog puta i lokaciju deponije izvađenog materijala,
 - međuentitetsku liniju koja prolazi ovim lokalitetom potrebno je prilikom izrade elaborata definisati na način i prema procedurama propisanim zakonodavstvom iz ove oblasti,
 - deponija izvađenog materijala mora biti locirana izvan uticaja velikih voda (izvan plavnog područja) i izvan vodnog dobra i javnog vodnog dobra,
 - mogući uticaj na izvoriste pitke vode čije se zone sanitarne zaštite prostiru ili su u neposrednoj blizini predmetnog lokaliteta, ako takva postoje i uvjeti za zaštitu izvorišta prilikom izvođenja radova,
 - pregled postojećih korisnika vode sa vodotoka,
 - ocjena mogućnosti nastanka negativnih uticaja na druge objekte i postrojenja, korito vodotoka, površinske i podzemne vode, stečena prava korisnika, naselja i sl. i mjere za ublažavanje tih uticaja.
- 3.2. Dinamika vađenja materijala treba da se usaglasi sa ribolovnim društvima iz Odžaka, odnosno korisnikom ribolovnog prava na ovom ribolovnom području, vodeći računa o periodu mriještenja plemenite ribe.
- 3.3. Izvođač radova dužan je riješiti imovinsko pravne odnose sa vlasnikom zemljišta za pristup lokalitetu vađenja materijala, kao i lokaliteta za odlaganje izvađenog materijala, a prije vađenja materijala iz vodotoka, odnosno obezbijediti saglasnost organa nadležnog za održavanje saobraćajnica, za dionice koje će se koristiti prilikom izvođenja ovih aktivnosti.
4. Prije podnošenja zahtjeva za izdavanje vodne saglasnosti izvođač radova, sa kojim se sklopi Ugovor o izvođenju predmetnih radova, dužan je izraditi elaborat za vađenje materijala iz vodotoka. Elaborat za vađenje materijala iz vodotoka treba izraditi ovlašteno pravno lice, (sa liste „A“) shodno Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08), te u skladu sa uslovima datim u dispozitivu ovog rješenja.
5. Uz zahtjev za izdavanje vodne saglasnosti, treba dostaviti sljedeću dokumentaciju:
- Elaborat izrađen u skladu sa uslovima iz dispozitiva ovog rješenja,
 - Ugovor o izvođenju predmetnih radova potpisan sa Agencijom za vodno područje rijeke Save, Sarajevo,
 - Dokaz o izvršenoj uplati upravne takse u iznosu od 60 KM,
 - Ovjerena kopija rješenja o upisu u sudski registar i identifikacioni broj,
 - Saglasnost udruženja sportskih ribolovaca iz Odžaka na vađenje materijala iz korita rijeke Bosne, na lokalitetu „Mlinište“ u periodu definiranom dodijeljenim ugovorom,
 - Validne dokaze izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, potrebno je o njima obavijestiti ovu Agenciju (ugovorni organ), a u zahtjevu za izdavanje vodne saglasnosti navesti te okolnosti.

O b r a z l o ž e n j e

Podnosilac zahtjeva, „Agencija za vodno područje rijeke Save“ Sarajevo, podnio je zahtjev putem „Sektora za upravljanje vodama“ dana 15.07.2026. godine za izdavanje prethodne vodne saglasnosti za vađenje materijala iz korita rijeke Bosne, kao jedne od mjera za sprječavanje štetnog djelovanja voda na lokalitetu „Mlinište“ na tri sprudišta:

- Sprudište 1: dio k.č. 856/2, 849/1, 849/2, 851 i 853 K.O. Crkvina, općina Odžak (po novom katastru), što odgovara dijelu k.č. 597 i 600/22 K.O. SP_Novo Selo (stari katastarski premjer), općina Odžak;
- Sprudište 2: k.č. 853, 851, 846, 844, 843, 842, 886/1, 886/2, 889, 893, 894 i 890/1 K.O. Crkvina, općina Odžak (po novom katastru), što odgovara dijelovima k.č. 600/22, 600/26, 600/21, 600/7, 600/19, 600/24 i 600/10 K.O. SP_Novo Selo (stari katastarski premjer), općina Odžak;

- Sprudište 3: dio k.č. 3492 K.O. Novo Selo, općina Odžak (po novom katastarskom premjeru).

Uz zahtjev je dostavljena slijedeća dokumentacija:

- Kopija Rješenja o izmjenama podataka broj: 065-0-RegZ-25-003258 izdatog dana 13.08.2025. godine od strane Općinskog suda u Sarajevu,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine,
- Kopija „Zapisnika komisije sa uviđaja na licu mjesta u vezi rješavanja problematike vađenja materijala iz vodotoka rijeke Bosne na lokalitetu Mlinište, Prud i Pisari u općini Odžak, broj: 01-744-3/26 od 09.07.2026. godine,
- Odluka broj 10-744-4/26 od 09.07.2026. godine o utvrđivanju potrebe za vađenje materijala iz vodotoka Bosne na lokalitetima Mlinište i Prud, donesena od strane AVP,
- ZK izvadak za K.O. SP_Novo Selo, ZK uložak broj: 340, izdat od strane Zemljišnoknjižnog ureda Općinskog suda u Orašju 05.07.2018. godine, broj: 025-0-NAR-18-000376 (kopija),
- ZK izvadak za K.O. SP_Novo Selo, ZK uložak broj: 6, izdat od strane Zemljišnoknjižnog ureda Općinskog suda u Orašju 09.06.2022. godine, broj: 025-0-NAR-22-001119 (kopija),
- ZK izvadak za K.O. SP_Novo Selo, ZK uložak broj: 6, izdat od strane Zemljišnoknjižnog ureda Općinskog suda u Orašju 09.06.2022. godine, broj: 025-0-NAR-22-001128 (kopija),
- ZK izvadak za K.O. Novo Selo, ZK uložak broj: 710, izdat od strane Zemljišnoknjižnog ureda Općinskog suda u Orašju 22.03.2022. godine, broj: 025-0-NAR-22-000568 (kopija),

Nakon izvršenog uvida u zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 16.07.2026. obaviještena javnost putem obavještenja na oglasnoj ploči „Agencije za vodno područje rijeke Save“ Sarajevo i u dnevnom glasilu „OSLOBODENJE“. U datom roku nije bilo pisanih izjašnjenja o predloženim aktivnostima iz zahtjeva.

U provedenom ispitnom postupku konstatovano je slijedeće:

U cilju utvrđivanja činjeničnog stanja, odnosno stanja riječnog korita i obala na predmetnoj dionici rijeke Bosne u FBiH je aktom broj: 01-744-1/26 od 07.05.2026. godine od strane „AVP Sava“ formirana Komisija za uviđaj na licu mjesta u vezi rješavanja problematike vađenja materijala na lokalitetima Mlinište, Prud i Pisari, u općini Odžak. Nakon uviđaja na terenu, Komisija je sačinila Zapisnik Komisije sa uviđaja na licu mjesta u vezi rješavanja problematike vađenja materijala na lokalitetima Mlinište, Prud i Pisari u općini Odžak. Dato je stručno mišljenje i priložena fotodokumentacija sa opisom stanja na terenu i stručnim mišljenjem za dalje postupanje. U stručnom mišljenju je konstatovano da na lokalitetu „Mlinište“ treba pokrenuti postupak za uklanjanje predmetnog materijala iz korita rijeke Bosne provodeći proceduru propisanu odredbama Pravilnika o sadržaju, obliku, uslovima, načinu izdavanja i čuvanja vodnih akata i Uredbom o načinu dodjele prava na vađenje materijala iz vodotoka („Službene novine Federacije BiH“, broj 58/15).

U zapisniku broj: 01-744-3/26 od 09.07.2026. godine, nakon što su utvrđena vlasnička prava na predmetnim zemljišnim česticama sva tri sprudišta u naselju „Mlinište“ i izvršena identifikacija na kojim parcelama je moguće provesti predmetni postupak, procijenjena je ukupna količina materijala koju je potrebno izvaditi od cca 65.000 m³. Na navedenoj lokaciji su registrovana 3 odvojena sprudišta. Procijenjena količina na sprudištu 1 je 12.000 m³, na sprudištu 2 je 48.000 m³, a na sprudištu 3 iznosi 5.000 m³.

Utvrđena količina je definirana u skladu sa članom 63. Zakona o vodama kojim je propisano da je „Vađenje materijala iz vodotoka dozvoljeno je u obimu i na način koji bitno ne mijenja prirodne procese, ne remeti prirodnu ravnotežu ekosistema ili ne pospješuje štetno djelovanje voda“.

Na osnovu provedenog uviđaja na lokalitetu „Mlinište“, sačinjenog Zapisnika, stručnog mišljenja i foto dokumentacije, donesena je od strane AVP Sava odluka o utvrđivanju potrebe za vađenjem materijala iz vodotoka broj: 10-744-4/26 od 09.07.2026. godine, čime su se stekli uslovi za pokretanje upravnog postupka, a sve prema odredbama člana 6. Uredbe o načinu dodjele prava na vađenje materijala iz vodotoka.

Uslov u tački 2. propisan je na osnovu člana 111. stav (3) Zakona o vodama.

U skladu sa odredbama člana 5. stav (3) Pravilnika o sadržaju, obliku, uslovima, načinu izdavanja i čuvanja vodnih akata propisani su uvjeti iz tačke 3. dispozitiva rješenja.

Na osnovu priložene dokumentacije u kojoj je utvrđena potreba za vađenjem materijala iz korita rijeke Bosne na lokalitetu "Mlinište", na tri odvojena sprudišta, općina Odžak, u ukupno procijenjenoj količini od 65.000 m³, a u dispozitivu ovog rješenja su utvrđeni uvjeti kojima mora udovoljiti dokumentacija na osnovu koje će se pokrenuti postupak za izdavanje vodne saglasnosti za vađenje materijala, sve u skladu sa članom 111. stav (1) Zakona o vodama, članom 5. stav (3) i (4) i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata i članovima 5. i 6. Uredbe o načinu dodjele prava na vađenje materijala iz vodotoka.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife Federalnih administrativnih taksi.

Obrađivač akta: Adnan Bašić, dipl.inž.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- AVP Sava – Sektor 10
- ☉ AVP Sava, ISV – vodna knjiga
- Sektor 40 – arhiva
- Oglasna ploča – AVP Sava